



Nermin Keranović rođen je 1986. godine u Bihaću. Diplomirao na Pravnom fakultetu Univerziteta u Sarajevu 2008. godine gdje je radio kao demonstrator na Katedri za državno i međunarodno pravo kod doc. dr. Ive Tomića te aktivista i član upravnog odbora Udruženja studenata Pravnog fakulteta Sarajevo.

Studij je okončao nagradom Univerziteta Sarajevo „Akademik Edhem Čamo“ za naučno-istraživački rad a pravničku karijeru počeo kao pripravnik u Odjelu za podršku Tužilaštva Bosne i Hercegovine, Ureda Registara BiH na predmetima ratnih zločina. Od 2010. godine do 2020. godine zaposlen u „BH Telecom“ d.d. Sarajevo na poslovima stručnog saradnika za pravne poslove i koordinatora.

Stipendista je Fondacije Konrad Adenauer u BiH od 2006. godine otkad ostvaruje saradnju s Predstavništvom u Bosni i Hercegovini. Član je Alumni kluba Fondacije Konrad Adenauer u Bosni i Hercegovini.

Na Pravnom fakultetu Univerziteta u Sarajevu, 2013. godine stekao je akademsku titulu Magistra prava iz oblasti međunarodnog krivičnog prava. Pravosudni ispit položio 2014. godine.

Stipendista je Fondacije Konrad Adenauer iz oblasti Evropskih integracija u okviru kojeg projekta je upisao postdiplomski magistarski studij na „Europa Institutu“ Univerziteta u Saarlandu, Njemačka, na kojem fakultetu je u procesu sticanja akademskog zvanja magistra pravnih nauka iz Evropskog i međunarodnog prava.

Odlukom Visokog sudskog i tužilačkog vijeća Bosne i Hercegovine u aprilu 2021. godine imenovan za kantonalnog tužioca Kantonalnog tužilaštva Kantona Sarajevo, raspoređen na Odjelu Općeg kriminala sa specijalizacijom za kompjuterski kriminal. Kontakt osoba Kantonalnog tužilaštva Kantona Sarajevo za LGBTIQ+ populaciju. Edukator Centra za edukaciju sudija i tužilaca Federacije Bosne i Hercegovine iz oblasti Evropskog prava. Govori profesionalno njemački jezik i engleski jezik. Objavio više naučnih radova.